

Na osnovu člana 16. stav 3. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), a u vezi sa članom 85. stav 3. i stav 4. Zakona o osnovnoj školi („Službene novine Zeničko-dobojskog kantona“, broj: 5/04, 20/07, 9/11 i 4/14), i članom 131. stav 3. i stav 4. Zakona o srednjoj školi („Službene novine Zeničko-dobojskog kantona“, broj: 5/04, 20/07, 19/09, 9/11 i 4/14), kao i Zaključkom Komisije za obrazovanje, nauku, kulturu i sport Skupštine Zeničko-dobojskog kantona, broj: 01-38-10463-1/15. od 11.05.2015. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 13. sjednici, održanoj dana 04.06.2015. godine, d o n o s i

RJEŠENJE

o imenovanju Komisije za razmatranje prijava i informacija o političkom angažovanju u tijelima i organima političkih stranaka kao i javnom političkom djelovanju imenovanih direktora i pomoćnika direktora osnovnih i srednjih škola na području Zeničko-dobojskog kantona

I.

Imenuje se Komisija za razmatranje prijava i informacija o političkom angažovanju u tijelima i organima političkih stranaka, kao i javnom političkom djelovanju imenovanih direktora i pomoćnika direktora osnovnih i srednjih škola na području Zeničko-dobojskog kantona na period od četiri godine, u sastavu:

1. Ibrahim Plančić, član iz reda Komisije za obrazovanje, nauku, kulturu i sport,
2. Fadil Kadrić, član iz reda Komisija za obrazovanje, nauku, kulturu i sport,
3. Selvedin Šatorović, član iz reda Kantonalnog odbora SSOOiO ZDK-a,
4. Đevad Hadžić, član iz reda Kantonalnog odbora SSVOONK ZDK-a,
5. Maid Pračić, član iz reda Ministarstva za obrazovanje, nauku, kulturu i sport.

II.

Zadatak Komisije iz tačke 1. ovog rješenja je da u skladu sa članom 85. stav 3. i stav 4. Zakona o osnovnoj školi („Službene novine Zeničko-dobojskog kantona“, broj: 5/04, 20/07, 9/11 i 4/14), i članom 131. stav 3. i stav 4. Zakona o srednjoj školi („Službene novine Zeničko-dobojskog kantona“, broj: 5/04, 20/07, 19/09, 9/11 i 4/14), razmatra sve navode iz dostavljenih prijava, odnosno informacija ili predstavi o eventualnom političkom angažovanju u tijelima i organima političkih stranaka, kao i javnom političkom djelovanju imenovanih direktora i pomoćnika direktora škola, i svoja obrazložena mišljenja dostavi kantonalnoj inspekciji za obrazovanje i nauku u Ministarstvu za obrazovanje, nauku, kulturu i sport, na daljnje postupanje.

III.

Rješenje stupa na snagu danom donošenja.

Broj: 02-_____/15.

Datum, 04.06.2015. godine

Zenica

PREMIJER

Miralem Galijašević

DOSTAVLJENO:

1x Imenovanim, putem ministarstva,

1x Ministarstvu za obrazovanje, nauku, kulturu i sport,

1x Komisiji za obrazovanje, nauku, kulturu i sport Skupštine Zeničko-dobojskog kantona,

1x a/a.